

nobiliores pelles sunt quæ sint in mundo. In medio autem palatio est una magna pingua<sup>1</sup> alta passibus pluribus quam duobus, quæ tota est de uno lapide precioso, nomine merdatas.<sup>2</sup> Ipsa etiam tota est auro ligata et in quolibet angulo ipsius est unus serpens qui verberat os fortissime, hæc etiam pinona retia habet de perlis magnis quæ pendent ab eâ, que retia forte sunt lata una spansa. Per pignam hanc defertur potus per conductus qui in curiâ regis habetur.<sup>3</sup> Juxta hanc etiam pignam manent multa vasa aurea, cum quibus omnes volentes bibere bibunt. In ipso autem palatio sunt multi pavones de auro. Cum aliquis Tartarus aliquod festum vult facere domino suo, tunc sic sunt persecutientes ad invicem manus suas; tunc hii pavones suas alas emittunt et ipsi tripudiare videntur. Hoc autem fit vel arte dyabolica vel ingenio quodam sub terra fit.<sup>4</sup>

### 38. *De curiâ Domini Canis.*

Quum ipse dominus super suam sedem sedet imperiale a sinistro latere manet regina, et uno gradu inferius duæ aliæ morantur mulieres quas ipse tenet;<sup>5</sup> in infimo autem cunctæ dominæ parentelæ. Omnes illæ quæ nuptæ sunt unum pedem hominis super caput habent, longum bene brachium cum dimidio; subter illo pede sunt pennæ gruis in summitate, et totus ille pes est ornatus perlis magnis, unde si perlæ magnæ in mundo sunt et pulchræ hæc ita sunt in ornamentum istarum dominarum.<sup>6</sup> A latere autem dextro ipsius regis moratur ejus filius primogenitus, qui post ipsum regnare debet; inferius autem ab istis morantur omnes illi qui sunt de sanguine regio. Illic etiam quatuor sunt scriptores scribentes omnia verba quæ dicit ipse rex. Ante cujus conspectum stant barones sui multique alii innumerabiles, nullus quorum loqui auderet ullo modo nisi a magno domino peteretur, istis etiam hystrionibus exceptis, qui suum dominum vellent lætificare. Hii tamen hystriones nil aliud facere audent nisi secundum quod rex ipse legem imposuit eis. Ante portas ipsius palatii stant barones custodientes et videntes ne aliquid limen<sup>8</sup> hostii tangat, quod si aliquis faciens reperiretur ipsi eum acriter verberarent.<sup>9</sup> Cum autem dominus iste magnus aliquid convivium facere fieri vult, secum habet xiiii milia barones<sup>10</sup> cum coronis in capite sibi in convivio servientes, et quilibet vestem talem<sup>11</sup> habet in dorso, quod solum perlæ quæ ibi sunt super qualibet veste valent plus quam xv milia florenorum. Curia ipsius optime ordinata est videlicet per denarium<sup>12</sup> centenarium et millenarium, unde omnes inter se taliter sunt ordinati et sibi invicem respondentes, quod de officiis suis, nec de aliquo alio nunquam defectus aliquis invenitur. Ego frater Odoricus ibi fui bene tribus annis in hac sua civitate et multotiens in istis suis festis presens fui, nam nos fratres minores in hâc curiâ suâ habemus

<sup>1</sup> *Ven.* pigna.

<sup>2</sup> *Ven.* Merdacas; *Far.* Merdatas; *Hak.* Merdochas; *Marc.* Merdacas.

<sup>3</sup> *Ven.*, *Far.* habentur.

<sup>4</sup> *Hak.* arte magicâ vel aliquâ cantelâ subterraneâ; *Mus.* nearly so.

<sup>5</sup> *Hak.* et *Mus.* pro se quando non potest ad reginam accedere.

<sup>6</sup> *Hak.* omits this sentence.

<sup>7</sup> *Ven.* better tamen; *Hak.* et *Mus.* exceptis fatuis et histrionibus.

<sup>8</sup> *Far.* limitem. <sup>9</sup> *Hak.* omits quod.....verberarent.

<sup>10</sup> *Hak.* portantes circulos et coronulas.

<sup>11</sup> *Mus.* talari veste. <sup>12</sup> *Ven.* decenarium.

<sup>13</sup> *Far.* has only videlicet per C. This MS. (or the transcript furnished) would be unintelligible in many places without collation.